



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-02-4-116-1/20
Sarajevo, 28.05.2020. godine

Na osnovu člana 61. stav (2) Zakona o upravi („Službeni glasnik BiH“, broj: 32/02, 102/09 i 72/17) i člana 33f. stav (2) tačka a), a u vezi s članom 33i. stav (1) Zakona o finansiranju institucija Bosne i Hercegovine („Službeni glasnik BiH“ broj: 61/04, 49/09, 42/12, 87/12 i 32/13) i člana 24. Zakona o internoj reviziji institucija BiH („Službeni glasnik BiH“ broj: 27/08 i 32/12), direktor Centralne harmonizacijske jedinice Ministarstva finansija i trezora Bosne i Hercegovine donosi

ODLUKU

o donošenju Privremenog operativnog godišnjeg akcionog plana za razvoj i unapređenje sistema internih finansijskih kontrola u institucijama Bosne i Hercegovine za 2020. godinu

Član 1.

(Predmet odluke)

- (1) Ovom odlukom Centralna harmonizacijska jedinica Ministarstva finansija i trezora Bosne i Hercegovine donosi Privremeni operativni godišnji akcioni plan za razvoj i unapređenje sistema internih finansijskih kontrola u institucijama Bosne i Hercegovine za 2020. godinu (Privremeni operativni godišnji akcioni plan).
- (2) Privremeni operativni godišnji akcioni plan bit će na snazi do usvajanja Strategije razvoja sistema internih finansijskih kontrola u institucijama Bosne i Hercegovine za period 2020-2025. godine od strane Vijeća ministara Bosne i Hercegovine.

Član 2.

(Sadržaj akcionog plana)

- (1) Privremenim operativnim godišnjim akcionim planom preciznije se definiraju rokovi i detaljnije razrađuju aktivnosti i pokazatelji uspješnosti za sve nosioce aktivnosti koji su zaduženi za njihovu realizaciju.
- (2) Privremeni operativni godišnji akcioni plan sastavni je dio ove odluke.

Član 3.
(Realizacija)

Nosioci aktivnosti, navedeni u Privremenom operativnom godišnjem akcionom planu, dužni su donijeti posebne akte o načinu realizacije planiranih aktivnosti u 2020. godini u skladu s Privremenim operativnim godišnjim akcionim planom i internim aktima kojima su regulisali oblast internih finansijskih kontrola u instituciji.

Član 4.
(Izveštavanje)

- (1) Institucije BiH - nosioci aktivnosti iz Privremenog operativnog godišnjeg akcionog plana, dužne su dostaviti Centralnoj harmonizacijskoj jedinici Ministarstva finansija i trezora Bosne i Hercegovine izvještaj o realizaciji mjera iz Privremenog operativnog godišnjeg akcionog plana u okviru godišnjeg izvještaja o sistemu finansijskog upravljanja i kontrole za 2020. godinu u skladu s instrukcijama Centralne harmonizacijske jedinice Ministarstva finansija i trezora Bosne i Hercegovine.
- (2) Centralna harmonizacijska jedinica Ministarstva finansija i trezora Bosne i Hercegovine će u posebnom poglavlju u godišnjim konsolidiranim izvještajima o sistemu interne revizije i finansijskog upravljanja i kontrole u institucijama BiH za 2020. godinu izvještavati Vijeće ministara Bosne i Hercegovine o realizaciji mjera i aktivnosti iz Privremenog operativnog godišnjeg akcionog plana prema utvrđenim pokazateljima uspješnosti.

Član 5.
(Objavljivanje)

- (1) Odluka i Privremeni operativni godišnji akcioni plan objavljuju se na web stranici Centralne harmonizacijske jedinice Ministarstva finansija i trezora Bosne i Hercegovine (www.mft.gov.ba).
- (2) Centralna harmonizacijska jedinica Ministarstva finansija i trezora Bosne i Hercegovine obavijestit će sve institucije o donošenju i objavljivanju Odluke o donošenju privremenog operativnog godišnjeg akcionog plana.



DIREKTOR
[Signature]
Ranko Šakota